



RESOLUCIÓN DA CONCELLERÍA DELEGADA DO SERVIZO DE PERSOAL E CULTURA DISPOÑENDO A APROBACIÓN DA LISTA DE RESERVA (LISTA B) PARA A PROVISIÓN INTERINA DE PRAZAS E POSTOS DE TÉCNICO/A DE INFRAESTRUTURAS CULTURAI, ENCADRADAS DENTRO DO GRUPO A, SUBGRUPO A1 DA ESCALA DE ADMINISTRACIÓN ESPECIAL

Examinado o expediente tramitado para a creación dunha lista de reserva (lista B) para a provisión interina de prazas e postos de técnico/a de infraestruturas culturais, resultan relevantes os seguintes:

ANTECEDENTES DE FEITO

1.-Na sesión que tivo lugar o día 7 de xuño de 2004, a Xunta de Goberno Local prestou aprobación ás Bases xerais para a provisión interina de prazas de funcionarios vacantes e para a substitución temporal de persoal funcionario ou laboral do Concello.

2.-A Xunta de Goberno Local na sesión do día 2 de maio de 2006, adoptou un novo acordo no que, no seu punto primeiro, se procede á derogación do artigo 6 das Bases xerais reguladoras para a provisión interina de prazas de funcionarios vacantes e para a substitución temporal de persoal funcionario ou laboral do Concello, aprobadas mediante acordo do 7 de xuño de 2004, que regula os requisitos para a inclusión na lista única de reserva priorizada cando no se tivesen convocado oposicións.

3.- No Boletín Oficial da Provincia núm. 62 do 05/04/2021 anunciouse a convocatoria pública para a formación, mediante o sistema de concurso-oposición, dunha lista de reserva (lista B) para a provisión de interina de prazas e postos coa categoría de técnico/a de infraestruturas culturais, de acordo coas bases aprobadas pola Xunta de Goberno Local na sesión ordinaria que tivo lugar o día 15/03/21.

4.- En relación coas prazas coa categoría de técnico/a de infraestruturas culturais, unha vez finalizado o prazo de presentación de instancias, convocouse aos/ás participantes para a realización dos exames da fase de oposición.

5.- Posteriormente procedeuse a valoración e cualificación dos méritos alegados polos aspirantes que superaron a fase de oposición.

A puntuación provisional obtida polos participantes na fase de concurso, expúxose no Taboleiro de Anuncios da Casa Consistorial.

Finalmente, con data do 07/09/2021 polo tribunal cualificador emítese proposta definitiva de lista de reserva integrada polos opositores que superaron todos os exercicios.

6.- As regras de funcionamento da lista de reserva e renuncias se establecen no artigo 14 das bases reguladoras do proceso selectivo para a formación da lista de reserva para a provisión interina de prazas e postos de técnico/a de infraestruturas culturais (Lista B), os cales se dan por reproducidas nesta resolución para os efectos da súa aplicación á lista de reserva obxecto de aprobación.



FUNDAMENTOS DE DEREITO

Primeiro.- O artigo 23 do III Acordo Regulador prevé que o Concello se compromete a por en marcha unhas listas de substitucións para supostos de vacantes transitorias. As normas reguladoras serán incorporadas como anexo ao mesmo.

Segundo.- A lista de espera elaborada segundo o establecido no artigo 14 das Bases reguladoras da convocatoria terá unha duración de 4 anos ou de menos no caso de que houberse un novo proceso selectivo para estas prazas, momento a partir do cal esta lista deixaría de ter vixencia.

Sen prexuízo de que, con anterioridade, concorran algunha das causas que motive o cesamento de calquera funcionario/a interino/a de conformidade coa lexislación vixente, os/as funcionarios/as interinos/as que ocupen postos de traballo ao amparo destas listas de reserva cesarán automaticamente cando finalice cada proceso selectivo para a provisión en propiedade de prazas correspondentes a súa categoría.

Terceiro.- Correspóndelle á Xunta de Goberno Local a resolución do presente expediente, a teor do disposto no Art. 127 de Lei 7/1985, do 2 de abril, reguladora das bases do réxime local segundo redacción dada pola Lei 57/2003, de 16 de decembro, de Modernización do Goberno Local e no Art. 21 do Regulamento orgánico do goberno e da administración municipal, publicado no BOP núm. 248 do 28 de decembro de 2005.

Por acordo da Xunta de Goberno Local de data 15/06/2019, delegouse na Concelleira delegada do Servizo de Persoal e Cultura, a xestión do persoal así coma as decisións de persoal que non lle corresponda a outro órgano e sexan susceptibles de delegación nos termos da lexislación vixente.

En atención ao exposto, esta Concellería delegada no exercicio das súas atribucións delegadas,

RESOLVE:

Primeiro.- Prestar aprobación á lista única de reserva (Lista B) para a provisión interina de prazas de técnico/a de infraestruturas culturais, grupo A, subgrupo A1, segundo o seguinte detalle:

POSTO	ASPIRANTE	TOTAL
1	VÁZQUEZ LIÑERA, JORGE	15,40

Segundo.- A presente lista de reserva (Lista B) terá unha duración de 4 anos ou de menos no caso de que houberse un novo proceso selectivo para estas prazas, momento a partir do cal deixaría de ter vixencia.

Sen prexuízo de que, con anterioridade, concorran algunha das causas que motive o cesamento de calquera funcionario interino de conformidade coa lexislación vixente, os funcionarios interinos que ocupen postos de traballo ao amparo destas listas de reserva cesarán automaticamente cando finalice cada proceso selectivo para a provisión en propiedade de prazas correspondentes a súa categoría.





P

Terceiro.- As regras de funcionamento e renuncias da lista de reserva que se aproba (lista B) se axustará ao establecido no artigo 14 das bases reguladoras do proceso selectivo para a formación da lista de reserva para a provisión interina de prazas e postos de técnico/a de infraestruturas culturais (Lista B), publicadas no BOP núm.62, do 05/04/2021, as cales se dan por reproducidas nesta resolución para os efectos da súa aplicación á lista de reserva obxecto de aprobación.

Cuarto.- Dispoñer a publicación da presenta lista no Taboleiro de Anuncios da casa do Concello de Pontevedra no taboleiro de anuncios electrónico, para que os/as interesados/as poidan interpoñer alegacións no prazo de dez días.

De non achegarse alegación ningunha, a presente resolución xurdirá os seus efectos, iniciándose a vixencia da lista de reserva o día seguinte da data de finalización do prazo de alegacións de dez días.

De achegarse alegacións ou reclamacións contra esta resolución, deberán resolverse expresamente mediante resolución desta concellería, demorándose a entrada en vigor da lista de reserva ata a súa aprobación definitiva.

Así o ordena e dispón a Concelleira delegada do Servizo de Persoal e Cultura, por delegación da Xunta de Goberno Local, perante o secretario da administración municipal, que DA FE da precedente Resolución.

